

興化府莆田縣志

卷二 輿地

興化府莆田縣志卷二

興化府

水利

地利為民生之計也。莆田山馬路天長，而

名山而海自閩郭而外，貫以文海分南北兩

洋。北洋自唐里上，官興築堤，後復有

席六而官之助，獨著南洋。自水李長，名

代十蘭而長者之功，尤著。今之

之溪夫海稍遠，小水而地，平南洋之水，溪與

溪之水，大而地陡，大溪淡則能。山溪與

以穀物，北洋水淡而勢平，南江。山溪與

而勢阻，故長官為其易長者。山溪與

也。前志合南北洋，陂塘溝洫。山溪與

閱者易混，今分疏南北。山溪與

溝而陡門而涵洞，外之長堤而山間有

錯誤，畧加改正，俾覽者得按籍以考焉。

水

利利門利涵利淵利海利

南洋之水道其流最大源自永春龍化而來入
仙之九座合仙邑諸山澗水下至地羣分界始為
華水東下一里至瀨溪又東一上至木蘭陂
則李長者所築處也溪海分流扼要自此陂之上
別分一小之八萬金橋繞城南過東關與北水合
其大支南從迴瀾橋直下此川皆為溝矣先分
一支溉維新里洋尾溪東諸村內有鄭坂章魚菴
其大溝南五里至渠頭橋下分為兩條一條北行

歷新度滙維新水北至洋城陡門入海

此處地水駛為仙

邑來水咽喉最稱要害

又北行八清浦諸村其一條南行繞

壺山下十五里至東臯黃石諸村又北行五里至

東華前滙清浦水北至林墩陡門入海

此處地平而下眾水

趨滙其要害亞洋城

其餘流東南行滙五侯諸坑及國清塘

等水十里至東山陡門入海

此處地極下潦受五侯水旱受木蘭水蓋

南洋諸水之尾閭也其要害視林墩又次之

至此而南洋之水盡矣

陂塘

陂者所以截水也壘石為堰橫流而過使內有所潴厥名曰陂禹貢曰九澤既陂漢

有芍陂唐有漢陂之類是也吾地之陂其名一而其類有二一日截溪水高下之陂若北

洋兩溪逐層樽節而橫截之壘石與水面平而止蓄木以溉高田其大水仍瀾漫而過使下陂有所受故自常太洋利陂下及使華陂白廣業蘇洋陂下至太平南安陂節節爲陂不厭其多也一日截溪海混流之陂若南洋木蘭陂溪與海接非中分而截之何以使水之鹹者歸海水之淡者歸溪乎其設陂也必用巨石立柱犬牙相掣堰高于岸而止然後海濤上有所捍而溪流得旁趨以入溝故止設此一陂而南水之大勢以定矣他如爲埧爲塘亦以佐陂力不及之處併附之

木蘭陂

在縣南
惟新里

莆田南洋自唐觀察使裴次元始隄海

爲田三百三十二頃歲收數萬斛時有橫塘新塘

陳塘唐坑塘許塘又有國清塘六塘並見唐書地

里志溉田千二百頃遇歲旱塘無餘潤畊者莫能
償種去城南七里有溪發源自永春德化仙遊會
澗壑之水三百六十有六東疾趨入海宋治平元
年長樂錢氏女曰四娘者提金大如斗來築陂于
將軍灘前

在今樟林地前
志作四許非是

開渠南行陂甫成錢女

引棹落之忽溪流橫溢陂輒壞錢女痛憤赴水死

縣主簿黎畛來視壯錢女志節望洋傷悼而波撼

卒薄隨溺已而林進士從世

亦長樂人

復携十萬緡來

乃相下流定址于溫泉口

今上杭頭

溫泉口迫阨兩旁

隄岼突高陂成而水更湍悍竟決熙寧八年詔募
修陂於是候官李長者宏應詔至宏家居時有異
僧馮智日嘗從宏貰酒不責償一日謂宏曰當與
子會木蘭山前旣宏來智日已先在乃相與涉水
涯以求地脉渡水挿竹定基于木蘭山下在錢林
遺址上下流間此處溪廣水漫兩山夾峙左右峭
以當其衝宏遂傾家貲七萬緡疊石成陂布石柱
三十二間於溪底橫石之上犬牙扣入互相鉤鎖
陂立水中屹如岡阜共濶三千五丈深二丈五尺

有奇上障諸溪下障海潮卽陂之右疏渠導水障
東流而南注者三十餘里爲大溝七條小溝無算
又漸設抵海陡門及木石涵泄分漑南洋田萬有
餘頃歲輸軍儲三萬七千斛遂廢五塘爲田令民
業之歲可得穀二千六百五十五石有奇而國清
塘至元總管郭朶兒時並廢爲田黃遺址在林文
俊宅前所云懼纓亭是也今錢李各有特廟黎林
亦預血食乃若功之成否夫固有幸不幸與

陂舊置陂

正一人陂副一人甲頭一人小工八人水手一人
各有歲勞口食錢 接南洋自陂成後疏渠引水

溉田萬餘頃皆水南十四姓之力十四姓者司法
參軍余子復文林郎朱伯震武顯郎余彬承信郎
余騶承奉郎林國鈞承信郎顧筠武翊郎朱公廉
承信郎朱珪校尉朱桂推官朱拱作院使吳諤將
仕郎陳汝翊推官朱廣連使朱枚其
壘田賜田詳載劉俚榮記林紀疏 紹興二十八

年秋陂失故道由北岸東奔縣丞馮文肅重修邑

人鄭樵有記元至正間柱石傾本路達魯花赤八

的兒大修減舊三門爲二十九門明末樂間通判

董彬宣德間縣丞葉叔文先後重修

葉視董法爲更密詳其二

公宦蹟中舊時門用水板爲閘隨旱潦啓閉一時
措手不及或致傷人葉始易以石其高下以一定
水則爲準潦則水滯上過旱則
水停開內昔時小工水手盡廢 宏治庚戌知府王

弼重修邑人方伯周瑛記

事有敗於盛滿而功或成於細微吾每觀天下

事而究其成敗未嘗不重致意於斯焉宏治庚戌黃巖王公弼由進士拜刑部員外郎出守莆一日會同官朱侯海周侯纓翁侯理往視陂歎曰大哉陂乎無是陂是無莆民矣衆曰公於大者固所優爲而於小者亦未嘗忽況合衆小以爲大而又大者所託以不毀也公其圖之莆民方苦陂壞聞公言皆頌輸田畝所入爲公費公乃擇郡人有齒與識者得林叔孟林仰止以司其事舊時陂爲趾固至是漸穿公曰涓涓不止將成江河乃命涸流求孔穴而塞之舊時陂上流布長石以接水下流布長石以送水至是下流石脫落公曰此不治則陂什矣乃命伐長石七十餘以補益之舊時南北岸善崩公曰岸崩則禍及陂乃命築岸先布地牛乃加灰石其岸始固至於協應昇仙二廟乃祀有功於是陂者公曰是廟當與陂相終始今既傾圯惡可以無治乃命修治以復舊觀嗚呼盛滿者覆敗

所自始也細微者事功所自起也公戒覆敗於盛
滿競爭功於細微使前人遺緒不墜莆人命脉復
存此之爲見豈但治一陂而已哉夫木蘭陂水之
源也東角遮浪諸長堤水之委也洋城林墩東山
蘆浦四陡門水之操縱也近所作岳公橋與諸旁
近多作涵洞以走泄水利及夫舊所爲水則人或
竊而低之者則水之耗也公愛民未已請治其源
固其委慎其撿縱而又處分耗夫水者則其爲利
益博矣
宏治正德間知府陳效兩修陂岸再造廻瀾

橋嘉靖二十二年知府周大禮正將軍柱補瀉水
石及南北岸陂塍石四十三年東西兩橋圯隆慶
三年同知錢穀重修邑人蕭奇勲記萬歷三十七
年知府王嘉忠重修並於北岸建廟追祀神僧馮

智日 國朝康熙六年知縣沈延標重修二十一
年知府蘓昌臣重修並重建錢廟四十年知府趙
邦牧同知趙世安知縣金臯謝重修並修李錢馮
三廟雍正五年知府沈起元重修十年陂隄傾圯
知府蘓本潔出罰鍰修固乾隆十六年秋撫軍潘
思渠巡歷海疆道經蘭水親詣長者廟瞻拜隨勘
閱陂址見狂濤衝激陂石嵌斜水多漏泄飭郡縣
及時修治時長者裔孫貢生泌感激憲恩呈請捐
貲千金重加修葺復砌築南北陂石橋並濬陂口

至迎瀾橋二百餘丈河道督撫憲題請議叙特

旨以主簿用邑人御史廖必琦記

乾隆辛未秋九月大中丞潘公

省方至莆駕臨木蘭親覽舊址有時修隄防之議

惟時別駕宋公邑侯王公親承指畫余以子假在籍居近水蘭晉接之餘明陪遊覽獲聆緒論荷蒙

休哉古大臣觀風問俗夫寧有加於是而余因之有感焉木蘭之陂障百用而東之廻在瀾于既倒厥功鉅矣始于錢氏女繼于林從世然皆敗於垂成弗克底績李侯自侯官來茲土慨然擔其任傾貲不惜又得神僧智日之力規畫盡善厥有成功

自宋迄今數百年來永享其利間有傾壞以次修理近因屢遭巨浸不無傾圯之形潘撫憲觸目警心商確重修王邑侯仰體德意謀於李侯之嫡裔貢生泌以時舉事李君毫不惜費捐修一次於狂濤衝壞陂石欹斜暨傍岸石塊沉落海涯悉行修

濤衝壞陂石欹斜暨傍岸石塊沉落海涯悉行修

理外復請捐貲修濬南北兩陂石橋並北陂橋內
用整石砌築以禦巨浪以免淤塞並將陂口至迎
瀾橋二百餘丈溝道壅塞之沙石僱工挑濬統計
費用千有餘金自十月既望興工至次年正月報
竣舊例陂有損壞南北洋得水田畝勻派修理今
李君獨肩其任不替先人令緒一舉而數善備矣
故詳請列憲俱蒙嘉子且有後不爲例之議嗣是
撫憲陳公會同制憲喀公具摺奏請議叙荷蒙
恩旨以主簿卽用洵堪爲好義急公者勸制憲喀
公又有功並壽陽之褒飭縣製匾懸掛祠內以彰
前烈殊屬數百集未有之曠典琦以衰老餘年慶
逢天朝德化翔洽大臣公忠體國賢守令宣化
承流都人士悉公好義化行自上風流于下從茲
水旱無虞田疇有慶千百姓享昇平之福億萬年
貽樂利之休似茲盛舉不可以不書爰不辭
謏陋謹陳顛末勒諸貞珉俟採風者擇焉

又陂下二里許橫山之前海道漸次南徙南岸日

削北岸日壅近歲南岸沙土寢以單薄去五官店
溝水僅百步許岌岌乎有溪海相通之患康熙三
十七年知府趙邦牧同知趙世安知縣金臯謝修
築里人候選知縣林楨協修邑人都御史彭鵬記
障三邑三百六十澗之流以溉南北二洋稻田數
萬頃木蘭之利大矣哉怒潮激湍歲久易壞自宋
以來歷有修理 皇朝辛卯丁未一再修庚申又
修余時董其事惟陂是急循陂而下里許地爲橫
山延袤百餘丈扼木蘭中流界溪海多歷年所溪
流右突海波左嚙勢駸駸將決決則陂南流入海
而南洋之田困南流急趨下卽北流力殺而北洋
之田亦困非築堤以固之陂雖修奚益余故具其
事于前碑以待來者戊寅秋水潦大至陂底內塌
三十六門圯殆將半而橫山一帶不絕如縷民以

事聞郡邑咸謂修陂因舊也築隄創也陂之修
有成跡可循隄之築前人所未事必填舊海以固
其衝購地開新道以順其流雖勞與費且十倍于
陂弗庸憚也當道然其議以郡司馬趙公世安暨
邑侯金公阜謝倡贊獨力太守乃詳請而委重焉
全捐金二百有奇經始木蘭悉上流也築隄則計
畝樂輸南田六而北田四以水利之緩急權之也
徵未及辨邑侯金公捐二百有奇鄉紳林君楨亦
出貲百以佐焉至視出納課工匠董事諸君咸矢
慎勤遂克有功計陂工料糜銀如所捐之數又支
用樂輸錢一千九百文隄長二十四丈三尺高四
丈二尺廣二十丈糜錢一百一十九萬六千六百
文又以錢六萬六千一百文新錢妃李侯宮重建
馮禪師廟報功德也尙未及徵者籍其數于官預
爲護隄石埽之需工既竣余竊喜前之有待者于
今克覩成績非當事愛民興利曷以得此而鄉紳
士爲桑梓建久長策皆可嘉也是宜勒貞珉俾來
者有所考又接潮汝激盪岸善崩石埽之設尤宜

繼隄而有事者也 乾隆二年隄決至五年知府陳
余更勦足以待

王友飭得水田畝按畝捐修邑人太僕卿林源記

六府首水民生利賴然修則利縱則害天地間利
害之鉅莫水若也蒲昔溪海相通平疇斥鹵稻苗
不長惟蒲生焉以蒲名邑明艱食也去水為蒲因
水患也合三邑三百六十澗之水不為蒲利而惟
為蒲害宋熙寧以前之民困可想矣李長者宏不
惜重貲相度砌築陂成慨田數萬頃轉大害為大
利崇德報功宜乎與陂俱永也長者又以廢塘田
租立陂司正副掌其事視有罅隙卽時修補費省
而財有餘工逸而陂永固區畫盡善自陂田廢巡
視疎邇大小衝潰地甲報官查勘估工動稽時日
匠役人等張大其工計畝輪錢浮開其費陂需石
石工攬之外堅中溥大牙鉤鎖之法不講也隄需
土土著攬之外實中虛新機奔破之用不聞也屢
修屢壞職此之由明以前修十國朝康熙年間